



Headlines

- उपराष्ट्रपति सी.पी राधाकृष्णन अज्जै थमां दऊं दिनें दे जम्मू-कश्मीर दौरे पर कल कश्मीर युनिवर्सिटी दे दीक्षांत समारोह च शामिल होइना।
- मुख्मंत्रि उमर अब्दुल्ला होरें पिछले बरे आयोजित गुल दउदी शो दे फोटोग्राफी ते रील प्रतियोगिता दे जेत्तुएं गी सम्मानित कीता।
- सुरक्षाबलें पुंछ जिले दे गानी जांगली इलाके च आतंकवादिएं दे ठकाने थमां थेआर ते गोलाबरूद बरामद कीता ऐ।
- शिक्षा मंत्री सकीना इत्तू होरें साफ कीता ऐ कि जम्मू-कश्मीर सरकारै अध्यापकें दा टी.ई.टी म्तेयान लैने बारै अजे कोई हुक्म जारी नेई कीता ऐ।
- श्रीनगर-कटड़ा वंदे भारत रेल सेवा गी पैहली मार्च थमां जम्मू तगर पुजाने दा फैसला फिलहाल रोकी दिता गेआ ऐ।



VP -JK Visit

उपराष्ट्रपति सी.पी. राधाकृष्णन होर अज्जै थमां जम्मू-कश्मीर दे 2-रोजा दौरे पर ना श्रीनगर पुज्जने पर उपराज्यपाल मनोज सिन्हा होरें उंदा सुआगत कीता। अपने पैहले-पैहले दौरे दौरान उप-राष्ट्रपति होर श्रीनगर च युनिवर्सिटी ऑफ कश्मीर दे दीक्षांत समारोह च बतौर मुख्म परौहने शामिल होइना। घाटी च एदे लेई सुरक्षा दे व्यापक बंदोबस्त कीते गेदे ना। सुरक्षाबलें आसेआ जांच बदाई दिती गई ऐ ते महत्वै आहले थाहरें ते औने-जाने आहली थाहरें कश बाद्दू नाके लाए गेदे ना। जवानें दी गश्त बदाई गई ऐ। कुसै बी चाली दी माड़ी हरकत गी रोकने लेई चानचक्क निरिक्षण वगैरा बी कीता जा'रदा ऐ।



CM-Felicitation

मुख्मंत्रि उमर अब्दुल्ला होरें अज्ज पिछले बरे दिसंबर म्हीने गुलदउदी शो दरान बगीचे दी खूबसूरती गी कैमरे च कैद करने गितै आयोजित फोटोग्राफ ते वीडियो प्रतियोगिता दा जेत्तुएं गी सम्मानित कीता। इस प्रतियोगिता दा सरिस्ता बागें, पार्के ते फुल्लें दी काश्त सरबंधी मैहकमे आसेआ कीता गेआ हा जेहदा मकसद नौजोआनें गी शमूलियत कन्नै नमें बनाए गेदे गुलदउदी पार्क बक्खी सैलानिएं गी आकर्षत करना हा। इस बगीचे दा उद्घाटन 25

अक्तूबर 2025 गी कीता गेआ हा जेहदे च गुलदऊदी फुल्लै दियां कोई 50 कोला मतियां किस्मां दिक्खने गी लबदियां ना। रील बनाने दे मकाबले च अजीज उल रहमान नै पैहली, सिराज उद्दीन नै दुई ते आकिब बशीर नै त्रीऽ थाहर हासल कीती जिसलै जे फोटू खिच्चने दे मकाबले च मोहम्मद असलम भट्ट, अंसार अहमद ते अजीज उल रहमान नै बिल तरतीब पैहली, दुई ते त्रीऽ थाहर हासल कीती। जेतुएं गी पैहली, दुई ते त्रीऽ पोजीशन लेई बिल तरतीब 20 ज्हार, 10 ज्हार रपे दा ईनाम दित्ता गेआ।

<><><><><><>

CM State Rename

मुख्यमंत्री उमर अब्दुल्ला होरें आखेआ जे केंद्र गी राज्यें दे नांऽ बदलने दे प्रस्तावें पर इक्के चाल्ली विचार करना लोडचदा। केंद्री मंत्रीमंडल आसेआ केरल राज्य दा नां बदलिए केरलम करने आहले फैसले बारै मीडिया आसेआ पुच्छे गेदे सोआलै दे परते च उनें आखेआ जे जेकर पच्छिम बंगाल विधानसभा इस्सै चाल्ली दे बदलाव चाहंदी ऐ तां फही इस मंग गी मन्नेआ जाना लोडचदा। उनें आखेआ जे जम्मू-कश्मीर विधानसभा इयैनेहा कोई प्रस्ताव अगगे आहंदी ऐ तां केंद्र गी इस पर गौर करना लोडचदा। रैनावारी च आयोजित इक कार्यक्रम दे बाहरें पत्रकारें कन्नै गल्ल करदे होई मुख्यमंत्री होरें एह गल्ल आक्खी। उनें आखेआ

<><><><><><>

Poonch Hide out

पुंछ जिले दे गनी जंगली इलाके च सुरक्षाबलें आतंकवादिएं दी छप्पने आहली थाह दा पता लाइयै उसी नष्ट करी दित्ता। इस दरान सुरक्षाबलें खरी मती गिनतरी च असला-बरूद बी बरामद कीता ऐ। इस बारै थहोई दी इक टकोहदी सूह पर कार्रवाई करदे होई सुरक्षाबलें कुदरती गुफा च व्यापक तपशी अभियान रम्भ कीता। इस दरान सुरक्षाबलें गी इक आई.ई.डी जेदा भार 4 अशारिया 5 किलोग्राम ऐ ओह बरामद होई। एहदे अलावा इक लौहकी आई.ई.डी, 2 चीनी ग्रेनेड, 9 एम.एम दी इक पस्तौल, ते 7.62 एम.एम दे 22 रौंद बरामद होए। बम्ब नकारा बनाने आहले दस्ते नै विस्फोटकें गी नकारा बनाई दित्ता। एह कार्रवाई व्हाईट नाइट कोर ते पुंछ दे एस.ओ.जी आसेआ सांझे तौर पर चलाई गई। अभियान अजें जारी ऐ। होर ब्यौरे गी बलगेआ जा'रदा ऐ।

<><><><><><>

Itoo TET Clarification

शिक्षा मंत्री सकीना इतू होरें अज्ज साफ कीता ऐ कि जम्मू-कश्मीर च अध्यापकें दी योग्यता दी परख सरबंद्धि टीचर इलीजिबिलिटी टेस्ट बारै कोई नमा सरकारी हुक्म जारी नेई ऐ कीता गेदा। सोशल मीडिया च आवा करदिएं खबरें गी खारज करदे होई मंत्री होरें आखेआ कि इसी तुरत प्रभाव कन्नै लागू करने बारै खामखा दी भर्म भलेआं लोकें अंदर पैदा करने दी कोश्ट कीती जा'रदी ऐ पर सच्चाई ते एह ऐ कि सरकार नै इस चाल्ली दा कोई

हुक्म जारी नेई कीते दा ऐ। मंत्री होरें अगगे आखेआ कि सुप्रीम कोर्ट नै सभनें राज्यें ते केंद्र शासित प्रदेशें गी निर्देश जारी कीते दा ऐ कि इस गल्लै गी जकीनी बनाया जा कि अध्यापक टी.ई.टी परीक्षा पास करन, पर जम्मू-कश्मीर सरकार एहदा अध्ययन करा करदी ऐ कि एहदे पर अमल करने कोला पैहले एह दिक्खेआ जा कि होर कुदरै एहदे पर किस चाल्ली अमल कीता जा'रदा ऐ। उनें आखेआ कि सुप्रीम कोर्ट नै एहदे लेई 2 बरें दा समां दित्ता ऐ इस करियै इसी तुरत लागू करने दी कोई काहली नेई ऐ। मीडिया कर्मिणं कन्नै गल्ल करदे होई उनें आखेआ

<><><><><><>

Train Services on hold

रेल मंत्रालय दे तैहत औने आले रेल बोर्ड नै पैहली मार्च 2026 थमां श्री माता वैष्णो देवी कटरा ते श्रीनगर बश्कार "वंदे भारत" एक्सप्रेस रेल सेवा दे विस्तार गी जम्मू तोड़ी बदाने दे पैहले शा अधिसूचित कार्यक्रमै गी फिलहाल आरजी तौर पर रोक दीता ऐ। आकाशवाणी जम्मू दे संवाददाता मूजब मंगलवारें चिरे संजा जारी कीती गेदी इक इत्रलाह च जम्मू रेलवे डिविजन दे सीनियर डिविजनल कर्मिश्यल मैनेजर उचित सिंगल होरें दस्सेया जे टाली नेंई जाई सकने आली, किश जरुरी वजहें करी रेलवे नै इस विस्तार पर आरजी तौरा पर रोक लाई ऐ। सिंगल होरें दस्सेया जे इस सरबंधै च अगगे दी कोई बी जानकारी समें-सिर सांझी करी दिती जाहगा।

<><><><><><>

ACB Raids

भ्रष्टाचार रोधी ब्यूरो ए.सी.बी नै अज्ज कठआ जिले दे कीडियां ग्रांS च छापेमारी कीती ऐ। स्हाडे संवाददाता नै जानकारी दित्ती ऐ कि ब्यूरो दी इक टीम जम्मू-कश्मीर ते पंजाब दे बन्ने कश स्थित कीडियां ग्रांS पुज्जी ते रवि स्टोन क्रशर दी जांच करदे होई ओहदे दस्तावेज चैक कीते ते सरबन्धित लोकें कोला पुच्छ गिच्छ बी कीती। तोआई, ब्यूरो नै उपमुखमंत्री हुं'दे भ्राS विजय चौधरी दे घरै दी बी तलाशी लैती। एह कार्रवाई संपत्तिणं दे मामले च कथित गडबडिणं दे चलदे कीती गेई ऐ। इस कार्रवाई पर प्रतिक्रिया दिंदे होई उपमुखमंत्री होरें इसी इक मंदे भागें आहली घटना करार दित्ता ते आखेआ जे एह कार्रवाई उंदे भ्राS दे भविक्ख दे महत्वपूर्ण पडांS पर उन्दे लेई अडचना पैदा करने दे मकसद कन्नै कीता गेआ ऐ। मीडिया कन्नै इस बारै गल्ल करदे होई उपमुखमंत्री होरें आखेआ

<><><><><><>

Ranji Trophy

रणजी ट्रॉफी च जम्मू-कश्मीर दी टीम नै कर्नाटक खलाफ खेडदे होई दुए दिन दा खेड मुक्कने तगर 6 विकटें दे नुकसान पर 527 रन बनाई लैते दे हे। 284 रन दे कल दे स्कोर मगरा अज्ज बी टीम नै बेहतर प्रदर्शन कीता। शुभम सिंह नै 121 रन बनाए, अब्दुल समद नै 61, कन्हैया बाधवान ते कप्तान पारस डोगरा नै अर्ध शतक

बनाया। साहिल लोतरा नै 57 रन बनाए ते आबिद मुश्ताक नै 20एं रनें दा योगदान दिता ते एहू दवें खडारी खेड खत्म होने तगर क्रीज पर हे।

<><><><><><>

Weather

मौसम विभाग नै फरवरी दे अखीरै तगर खिते च मौसम खुशक गै बने दे रौहने दी पेशगोई कीती ऐ। मौसम विभाग नै घट्टो-घट्ट ते बहोबद् तापमान च इक थमां 2 डिग्री च बाद्दा होने दी बी पेशगो कीती ऐ। एह बदलाव अगले त्रै थमां 4 दिनें दौरान होई सकदा ऐ। इस बारे होर मती जानकारी दिंदे होई मौसम विभाग दे अधिकरी नै आखेया

<><><><><><>